

# Ժողովուրդ

133  
(2613)

22 սեպտեմբերի հինգշաբթի 2022  
տպագրության ժԱ տարի

✉ ք. Երևան, Արմավյան 22ա/3 (0010) ☎ + 374 10 546423 @ info.armlur@gmail.com, info.zhoghovurd@gmail.com

100 դրամ

## ՆԻԿՈՒՄ ՓԱՇԻՆՅԱՆԸ ԽԱՔԵԼ Է ՄԱՍ 96




«Ոստիկանը մերն» է վանկարկող ու այդ կարգախոսով իշխանության եկած Նիկոլ Փաշինյանը, փաստացի, ոստիկանության իսկապես իրենով է արել: Նախկին իշխանության գործելաճոճը քննադատող Փաշինյանը, թե. «Հայաստանը ոստիկանապետության են վերածել, ու ոստիկանությունն անմիջապես երկրի առաջնորդի հրահանգներն է կատարում», այժմ ճիշտեմիշտ նույն գործելաճոճն է իրականացնում: Ապացույցը երեկ՝ սեպտեմբերի 21-ին, «Եռաբլուր» զինվորական պանթեոնում ոստիկանների «փռեմ ասֆալտին, ծեփեմ ասֆալտին» իրականացրած գործողություններն են՝ զոհված զինծառայողների ծնողների նկատմամբ: Նիկոլ Փաշինյանը, որ 2018-ի իշխանափոխությունից երեք ամիս անց՝ իր պաշտոնավարման 100 օրն ամփոփելու հանրահավաքին, ոստիկաններին առանձնահատուկ ուշադրության էր արժանացնում ու «ոստիկանը մերն է վանկարկում», այժմ, փաստորեն, իր անվտանգությունն ապահովելու համար պատրաստ է անցնել բոլորի վրայով՝ անկախ նրանից, թե դիմացինն ով է ու ինչ է տվել պետությանը, հայրենիքին: «Եվ, այդ, ոստիկանը մերն է, որովհետև նա ծառայում է ՀՀ ժողովրդին ու քաղաքացուն», - բարձրագոյնում էր ՀՀ փաստացի ղեկավարը: Բայց ինչպես ինքն էր ասում՝ իրավիճակ է փոխվել, ու ոստիկանությունը նորից ծառայում է օրվա իշխանությանը: Հասարակական կարգը հսկողներն այժմ էլ Փաշինյանի անվտանգության համար են մեծաթիվ ուժեր կենտրոնացնում, հսկում նրա տեղաշարժն ու բիրտ ուժ կիրառում անգամ նրանց նկատմամբ, ովքեր հայրենիքին ամենաթանկը՝ որդուն են տվել: Նիկոլ Փաշինյանը, ոստիկանության մասին տարաբնույթ հայտարարություններ անելով ու համոզելով, թե «ոստիկանը քաղաքացուն է ծառայում», հերթական անգամ ստել է:

**Հ** իշխանությունները որոշել են ՀՀ նախկին փոխվարչապետ Տիգրան Ավինյանին ամեն գնով Երևանի փոխքաղաքապետ Նշանակել: Եվ չնայած՝ սեպտեմբերի 13-ին սկսված ռազմական գործողությունների հետևանքով Երևանի ավազանու նիստը հետաձգվել էր, սակայն «Ժողովուրդ» օրաթերթի տեղեկություններով՝ իշխանությունները հետ չեն կանգնել իրենց մտքից: Ավելին, հենց վաղը՝ սեպտեմբերի 23-ին, տեղի կունենա Երևանի ավազանու նիստ: Մենք տեղեկացանք, որ օրակարգի հենց առաջին հարցն էլ Տիգրան Ավինյանին Երևանի փոխքաղաքապետ Նշանակելու մասին հարցն է: Առհասարակ, նիստի օրակարգում ընդգրկված է 23 հարց, սակայն իշխանությունների համար այս պահին օրակարգայինը հենց Տիգրան Ավինյանի Նշանակումն է, եւ, չնայած սահմաններում լարվածությունը դեռ պահպանվում է, սակայն դա հետ չի պահում նրանց՝ կատարելու իրենց ծրագիրը: Հավելենք, որ Տիգրան Ավինյանը «Քաղաքացիական պայմանագիր» կուսակցության քաղաքապետի թեկնածուն է, եւ, չնայած Երևանի ավազանու հերթական ընտրություններին դեռ մեկ տարի կա, սակայն սխալված չենք լինի, եթե ասենք, որ Տիգրան Ավինյանն արդեն սկսել է քաղաքաշավը եւ PR քայլեր է իրականացնում անգամ «Սուրմալու» առևտրի կենտրոնի պայթյունի դժբախտության ֆոնին:



«Ժողովուրդ» օրաթերթի տեղեկությունների համաձայն՝ ՀՀ Քննչական կոմիտեն Արցախի պաշտպանության նախկին նախարար Զալալ Հարությունյանին մեղադրանք առաջադրելուց հետո նրան կրկին հրավիրել է Հատուկ կարեւորագույն գործերով վարչություն՝ հարցաքննության: «Ժողովուրդ» օրաթերթը փորձեց տեղեկությունը պարզել Արցախի պաշտպանության նախկին նախարար Զալալ Հարությունյանի փաստաթան Արսեն Սարգսյանից, սակայն նա Նշեց, որ որեւէ բան ասել չի կարող: Ի դեպ, մեզ հասած լուրերի համաձայն՝ Զալալ Հարությունյանի գործով ՊԲ ողջ անձնակազմը հարցաքննվել է: Հիշենք, որ 44-օրյա պատերազմի ընթացքում Արցախի Պաշտպանության բանակը ղեկավարած Զալալ Հարությունյանին երկու դրվագով առաջադրված մեղադրանքներից մեկը Ցորի գործարմասի 20 հրետանավորների զոհվելու հանգամանքներին է վերաբերում: 44-օրյա պատերազմի օրերին ծանր վիրավորում ստացած ու այդ պատճառով պաշտոնից ազատված 47-ամյա Զալալ Հարությունյանին առաջադրված մեղադրանքի մյուս դրվագով՝ հենց նրա գործողությունների հետևանքով են հոկտեմբերի 7-ին՝ հակահարձակման ժամանակ, հայկական ստորաբաժանումները մարդկային մեծաքանակ ուժի ու զինտեխնիկայի կորուստ կրել, պահեստային ստորաբաժանումները դարձել են անմարտունակ, զբաղեցրած կրակային դիրքերն անցել են հակառակորդի հսկողության տակ:



Այս տարվա հունվար-հուլիս ամիսներին Հայաստանում գրանցված հանցագործությունների ընդհանուր թիվը կազմել է 20 հազար 963 դեպք: Անցած տարվա նույն ժամանակահատվածում Հայաստանում գրանցված է եղել հանցագործությունների 15 հազար 726 դեպք: Այսինքն, հանցագործությունների թիվը մեկ տարվա կտրվածքով ավելացել է 5237 դեպքով: Ի դեպ, հիմնականում աճել են ոչ մեծ ծանրության հանցագործությունները: Անցած տարվա յոթ ամիսներին Հայաստանում գրանցվել է ոչ մեծ ծանրության հանցագործությունների 8 հազար 265 դեպք, այս տարի այդ ցուցանիշը կազմել է 12 հազար 519: Այս տարվա յոթ ամիսներին կաշառք ստանալու ընդամենը 136 դեպք է գրանցվել: Ի դեպ, հասարակական անվտանգության, հասարակական կարգի եւ բնակչության առողջության դեմ ուղղված հանցագործություններ են եղել, որոնց մասով այս տարվա յոթ ամիսներին դեպքերի Նշանակալի աճ է արձանագրվել: Անցած տարվա 3 հազար 287 դեպքի դիմաց այս տարի արձանագրվել են 5 հազար 956 հասարակական կարգի դեմ ուղղված հանցագործություններ: Նշենք նաեւ, որ հասարակական կարգի դեմ ուղղված հանցատեսակներից էլ աճը հիմնականում արձանագրվել է թմրանյութի հետ կապված հանցատեսակներում: Բացի այս, «Ժողովուրդ» օրաթերթը տեղեկացավ, որ գրանցված հանցագործությունների մեծ մասը՝ 11 հազար 822 դեպք, արձանագրվել է Երևանում, հաջորդը՝ Արարատի մարզն է: Միայն Կոտայքի մարզում հունվար-հուլիսին գրանցվել է հանցագործության 1526 դեպք, նախորդ տարվա նույն ժամանակահատվածի՝ 1282-ի դիմաց:



ՆԿԱԶՈՐ ՎԱՐԿԱՆԻՇ

ՀՀ ԻՇԽԱՆՈՒԹՅՈՒՆՆԵՐԸ ՎԱԽԵՆՈՒՄ ԵՆ

ArmLur.am-ը գրուցել է ՌԳ Պեհլու- մայի դասգամավոր Կոնստանտին Չա- սուկինի հետ, որը վերջին օրերին Հայաս- սանում էր: Պեհլումայի դասգամավոր- րը Հայաստան էր այցելել սեպտեմբերի 16-18-ը: Չասուկինը մեզ հետ գրուցում անկախ է՝ Արևմուտքը խաղում է Հա- յաստանի եւ Ադրբեջանի հետ, նրա գլ- խավոր նպատակը Ռուսաստանի ազդե- ցությունը սահմանափակելն է, եւ այդ հարցում նորանոր հա- ջողությունների է հասնում:



Նշենք, որ հայաստանյան այցի ընթաց- քում Պեհլումայի պատգամավորը ծանո- թացել է անցած շաբաթվա սկզբին Ադր- բեջանի եւ Հայաստանի միջև ռազմական գործողությունների բռնկմանը հաջորդած իրավիճակին: Նա այցելել է գնդակծու- թյան ենթարկված Ջերմուկ քաղաք:

Պարոն Չասուկին, խնդրում եմ ասել՝ Հայաստան այցի ընթացքում որտեղ եք եղել, ինչ հանդիպումներ եք ունեցել:

Ես շատ բաներ եմ տեսել Հայաստա- նում: Ես եղել եմ Երեւանում, այցելել եմ Ջերմուկ, որի մասին Նաեւ գրառում եմ կա- տարել, հանդիպել եմ Արցախի Հանրապե- տության Նախկին Նախագահներ Արկարի Ղուկասյանի եւ Բակո Սահակյանի հետ: Հանդիպում եմ ունեցել Նաեւ «Հայաս- տան» դաշինքի առաջնորդ, Հայաստանի եւ Լեռնային Ղարաբաղի Հանրապետու- թյան Նախկին Նախագահ Ռոբերտ Զո- չարյանի հետ: Մասնակցել եմ Նաեւ Ապա- րանում կազմակերպված միջոցառմանը:

Ռուք նշեցիք, որ այցելել եք Նաեւ Ջեր- մուկ, որն անցած շաբաթվա սկզբին տու- ժել էր Ադրբեջանի գործողությունների հե- տեանքով: Ինչ իրավիճակի եք ականա- տես եղել:

Հայաստանում իրավիճակը իսկապես բավականին լարված է, քանի որ մարտա- կան գործողությունների բռնկումն ու Ադր- բեջանի զինված ուժերի՝ Հայաստանի սահմաններում առաջխաղացումը լուրջ մտահոգությունների տեղիք է տալիս: Կրակոցների հետեանքով Նաեւ կորուստ- ների թիվն է մեծ, ինչը ես մտահոգիչ է:

Սեպտեմբերի 13-ին սկսած գործողու- թյուններից հետո ՌԳ-ից, ինչպես Նաեւ ՀԱՊԿ-ից չհնչեցին հստակ հայտարարու- թյուններ եւ կոչեր՝ հաշկացություն Հայաս- տանի. այս ամենը Նաեւ հակառուսական տրամադրություններ են առաջացրել: Ինչ կասեք այս մասով, ինչու՞ պարտավորու- թյունները չեն կատարվում:

ՀԱՊԿ-ի շուրջ իսկապես քննադատու- թյունը բավականին մեծ է: Ինձ թվում է, որ Հայաստանի ղեկավարությունն ամեն կերպ փորձում է հիմա ցուցադրել իր ցան- կությունը՝ դեպի Արեւմուտքի կողմը դիր- քավորվելու մասով, եւ բարձրաձայն էլ ասում էին այդ մասին: Ես Հայաստանում էի այն ժամանակ, երբ այստեղ էր Նաեւ ԱՄՆ Ներկայացուցիչների պալատի Նա- խագահ Նենսի Փելոսին, գիտեմ, թե ինչ- պիսի՝ հատուկ կերպով ընդունելության է նա արժանացել: Ես գիտեմ, որ այդպիսի ընդունելության շատ քիչ մարդիկ են ար- ժանանում: Հայտարարություններ հնչե- ցին Աժ Նախագահ Ալեն Սիմոնյանի, Անվ- տանգության խորհրդի քարտուղար Ար- մեն Գրիգորյանի կողմից, եւ հենց քննա-

դատություն էր առկա ՀԱՊԿ-ի առնչու- թյամբ եւ պաշտպանություն՝ ԱՄՆ-ի: Այս բոլոր հայտարարությունները պետք է հս- տակ վերլուծվեն, այդ թվում՝ Նաեւ մեր կողմից: Հայաստանի կառավարությունը փորձում է Արեւմուտքի հետ հարաբերու- թյունները գարգացնելու շնորհիվ դաշ- նակից ձեռք բերել, եւ Արեւմուտքը իր կող- մից բոլոր ձեռքերով փորձում է ՌԳ-ին հե- ռացնել տարածաշրջանից. դրա վկայու- թյունը Նաեւ բրյուսելյան բազմաթիվ հան- դիպումներն են, որտեղ ՌԳ-ն չի մասնակ- ցում: Ես կարծում եմ, որ ՀՀ-ն հավատում է Արեւմուտքից հնարավոր օգնությանը: Սակայն նկատենք, որ Լեռնային Ղարա- բաղում խաղաղություն այժմ ապահովում են ռուս խաղաղապահները, ու այնպիսի տպավորություն է, որ դրանից գոհ ու շնորհակալ են միայն Ղարաբաղի հայերը: Կարծես Հայաստանը բոլոր հետեանք- ներն ու պարտավորությունները թողել է միայն ՌԳ-ի վրա, իսկ իշխանություններն էլ վախենում են իրենց օրեցօր նվազող վարկանիշի համար:

Ջրուցեց ՆԱԻՐԱ ՀՈՎՀԱՆՆԻՍՅԱՆԸ

ԸՆՏՐԱՊԱՅՔԱՐ

ԸՆՏՐԱՊԱՅՔԱՐ

Սեպտեմբերի 25-ին՝ մի քանի օր անց, Հայաստանի մի շարք մարզե- րում Տեղական ինքնակառավարման մարմինների ընտրություններ տեղի կունենան: ArmLur.am-ը քանիցս գրել է, թե որ համայնքերում ովքեր են առաջադրված ու, այսպես ասած, ով ում դեմ է ընտրապայքարի մեջ մտել: Սեպտեմբերի 13-ից հետո, երբ Ադրբե- ջանը հարձակվել էր ՀՀ տուվերեն տա- րածքի վրա, ընտրությունների պատ- րաստվող կուսակցություններն ու թեկ- նածուները, իրավիճակից ելնելով, դա- դարեցրել էին քարոզարշավն ու տար- բեր հարթակներում դա որպես բարի կամքի դրսևորում ներկայացրել:

Օրեր առաջ սակայն՝ մարզերում կու- սակցություններն ու առաջադրված թեկնածուները կրկին կատարի պայ- քարի են անցել: Օգտագործելով գրե- թե բոլոր ռեսուրսները, հնարավորու- թյուններն ու հրապարակ բերելով տա- րածաշրջանում քիչ թե շատ հեղինա- կություն ունեցող անձնաց՝ քաղաքա- կան ուժերն անում են հնարավորը, որ բաղձալի աթոռը հենց իրենց բաժին հասնի:

Գրեթե բոլոր համայնքներում, որոնք, ի դեպ, մեծամասամբ խոշո- րացվում են՝ էլ ավելի մեծ համայնքներ ձեւավորելով, հիմնական ֆավորիտ- ներ ունեն իշխող «Քաղաքացիական պայմանագիր» ու անհասկանալի՝ ո՛չ ընդդիմադիր, ո՛չ իշխանամետ դիրքո- ռոշում բռնած «Ապրելու երկիր» կու- սակցությունը: Նրանց համար, փաս- տորեն, Հայաստանում պատերազմն ավարտվել է, սահմաններին իրավի- ճակը հանգիստ է, կրակոց չկա, հե- տեաբար կարելի է գործի անցնել ու քվեներ կորզելով զբաղվել. հոգ չէ, որ թշնամու հրթիռները յուրքանչյուր պա- հի նորից կարող են մեր գլխին տեղալ:

ՆՈՐ

ԼԻԱԶՈՐՈՒԹՅՈՒՆՆԵՐ

Դատարանների Նախագահներին կվերապահվեն նոր լիազորություններ, ըստ որի՝ նրանք կկարողանան հետե- տել գործերի քննության ժամկետների պահպանմանը: ArmLur.am-ը տեղեկա- ցավ, որ արդարադատության Նախա- րարությունն առաջարկում է Երեւա- նում ընդհանուր իրավասության առա- ջին ատյանի դատարանի փոխարեն կգործեն երկու առանձին՝ քրեական եւ քաղաքացիական մասնագիտացված դատարանները:

Ավելին, դատավորի վարույթում առանձնակի բարդության գործի առ- կայությամբ պայմանավորված՝ դատա- վորի անուն-ազգանունը բաշխման ցանկից ժամանակավորապես հանելը կամ բաշխվելիք գործերի առանձին տոկոսաչափ սահմանելը կկատարվի դատարանի Նախագահի միջնորդու- թյամբ:

Նշենք, որ դատական օրենսգրքով դատավորների անունները գործերի բաշխման ցանկից հանելու լիազորու- թյունը վերապահված է Բարձրագույն դատական խորհրդին, իսկ դատարա- նի Նախագահն այս հարցի լուծման մեջ որեւէ դեր չունի:

ԱՆՈՐԱԴԱՐԸ

ՊԵՏՔ Է ՆԵՐՈՂՈՒԹՅՈՒՆ ԽՆԴԻՐԵՆ

Աժ մարդու իրավունքների դաւաճու- րության եւ հանրային հարցերի մեքա- կան հանձնաժողովի նախագահ, ան- կուսակցական Թագուհի Թովմայա- նը սոցցանցի իր էջում գրում է.



«Երեկ եռաբլուրում տեղի ունեցած մի- ջադեպն ամոթալի էր եւ անթույլատրելի: Նիկոլ Փաշինյանին զոհվածների հարա- զատներից պաշտպանելու համար՝ որդե- կորույս ծնողներին բիրտ ուժի կիրառմամբ բերման ենթարկելը խայտառակություն էր:

Անկախ ամեն ինչից՝ պետք է հարգել հայ- րենիքի համար Նախատակված հերոսների ծնողների վիշտը, ինչպես Նաեւ՝ նրանց գործողությունները, որքան էլ որ դրանք լի- նեն իշխանության համար տհաճ:

Գուցե հայրենիքի պաշտպանների ծնողներն իրենց ցասումն արտահայտելու տարբեր ձեւեր ընտրեն, այնուամենայնիվ, մենք պարտավոր ենք հարգել նրանց, մե- ծարել ու մշտապես խոնարհվել:

Անթույլատրելի է ծնողներին բաժանել մերոնք-ծերոնքի. իշխանությունն, ըստ երեւույթին, առաջնորդվում է հետեւյալ տրամաբանությամբ. այն ծնողները, ովքեր Աննա Հակոբյանի հրավերն ընդունում են

եւ մասնակցում միջոցառումներին, նրանք լավ են, իսկ ովքեր էլ պահանջատիրու- թյուն են դրսևորում, բարկություն ու ցա-

սում են արտահայտում, նրանց արժանա- պատվությունը նստեմացնելով՝ բերման են ենթարկում:









ԴԻՍՈՒՄ

# ՅՈՒՆԵՍԿՕ-Ն ՊԵՏՔ Է ԴԱՏԱՊԱՐՏԻ

ՀՀ ԿԳՄՍ նախարար Վահրամ Գումանյանը դաժնակալի նամակ է հղել Միավորված ազգերի կրթության, գիտության և մշակույթի կազմակերպության (ՅՈՒՆԵՍԿՕ) գլխավոր սեփական Օդրի Ազուլեին՝ ներկայացնելով 2022 թվականի սեպտեմբերի 13-ին Ադրբեջանի կողմից սանձազերծված լայնածավալ ռազմական ագրեսիան Հայաստանի Հանրապետության ինքնիշխան սահմաններում և դրա հետևանքները:



հաստատությունների, քոլեջների և բուհերի գործունեությունը:

Նամակում նշվել է, որ ագրեսիայի ընթացքում ադրբեջանական զինուժի թիրախ են դարձել ոչ միայն ռազմական դիրքերը, այլև քաղաքացիական ենթակառուցվածքները: Մասնավորապես, Հայաստանի Մարդու իրավունքների պաշտպանի գրասենյակի կողմից հավաքագրված տվյալների համաձայն՝ Գեղարքունիքի, Վայոց ձորի և Սյունիքի մարզերից տեղահանվել է առնվազն 7600 անձ: Տեղահանվածների ճնշող մեծամասնությունը կանայք, երեխաներ և տարեցներ են, որոնց թվում՝ նաև հաշմանդամություն ունեցող անձինք:

Նամակի մեջ ընդգծված է նաև, որ Ադրբեջանի սանձազերծած ռազմական ագրեսիայի հետևանքով ընդհատվել է ուսումնական գործընթացը հանրակրթական ու նախադպրոցական հաստատություններում՝ պայմանավորված երեխաների և աշխատակիցների անվտանգությունն ապահովելու անհրաժեշտությամբ: Արդյունքում, Սյունիքի, Գեղարքունիքի, Վայոց ձորի մարզերի 172 դպրոցներում սովորող 24.873 դպրոցական և 69 մանկապարտեզների 5808 նախադպրոցական տարիքի երեխաներ գրկվել են կրթության և բարեկեցիկ ապագայի իրավունքից: Վտանգված է նաև այդ մարզերում գործող արտադպրոցական ուսումնական

տապարտել Ադրբեջանի նմանօրինակ թշնամական գործողությունները՝ այդպիսով նպաստելով ՅՈՒՆԵՍԿՕ-ի մանդատի հիմնարար սկզբունքների հետագա խախտումների կանխարգելմանը և կրթության իրավունքի, բռնի տեղահանված բնակչության իրավունքների, ռազմական գործողությունների ընթացքում քաղաքացիական բնակչության և քաղաքացիական ենթակառուցվածքների պաշտպանության իրավունքների ապահովմանը:

Նամակին կցվել է նաև ՀՀ Մարդու իրավունքների պաշտպանի կողմից պատրաստված հատուկ զեկույցը:

ԼՈՒՐԵՐ

## ՄՏԱԳԻՐ Է ՄԱՄՆԱԿՑԵԼ

Պորտուգալիայի հավաքականի ավագ, անգլիական «Մանչեսթեր Յունայթեդի» 37-ամյա հարձակվող Կրիշտիանու Ռոնալդուն մտադիր է մասնակցել նաև 2024թ. Եվրոպայի առաջնության եզրափակիչ մրցաշարին, որը կանցկացվի Գերմանիայում:

«Ես հույս ունեմ Պորտուգալիայի հավաքականում խաղալ ես մի քանի տարի: Դեռ զգում եմ մոտիվացիա և ունեմ հավակնություններ: Իմ ֆուտբոլային ուղին դեռ չի ավարտվել: Ես կլինեմ այս տարվա աշխարհի առաջնությունում և ցանկանում եմ մասնակցել նաև Եվրո-2024-ին», - ասել է Ռոնալդուն:

Ռոնալդուն 2004, 2008, 2012, 2016 և 2020 թվականների Եվրոպայի առաջնության, 2006, 2010, 2014 և 2018 թվականների աշխարհի առաջնության մասնակից է:

Քաթարում աշխարհի առաջնությունը կանցկացվի Նոյեմբերի 20-ից դեկտեմբերի 18-ը: Պորտուգալիայի հավաքականի մրցակիցները իսպանացիներն են: Պորտուգալիայի հավաքականի մրցակիցները իսպանացիներն են: Պորտուգալիայի հավաքականի մրցակիցները իսպանացիներն են: Պորտուգալիայի հավաքականի մրցակիցները իսպանացիներն են:

## ՕՏԱՐԵՐԿՐՅԱ ԳՈՐԾԱԿԱԼ

Ռուսական էստրադայի երգչուհի Ալլա Պուգաչովային կատուգեն ռուսական բանակը վարկաբեկելու համար՝ իրեն օտարերկրյա գործակալ ճանաչելու խնդրանքով գրառման պատճառով:

Համապատասխան հայտարարությամբ դատախազություն է դիմել Մոսկվայի մարզի մի բնակիչ: Նրա կարծիքով՝ արտիստուհու դիմումում հիմքեր չկան՝ իրեն օտարերկրյա գործակալ կարգավիճակ շնորհելու վերաբերյալ, սակայն գրառումը պարունակում է վիրավորանքներ Ռուսաստանի զինված ուժերի հասցեին:

Այդ պատճառով նա դիմել է իրավապահ մարմիններին և խնդրել ստուգել կատարողին՝ «օտարերկրյա աջակցություն» ստացած անօրինական գործողությունների և ՌԴ զինված ուժերի օգտագործումը վարկաբեկելուն ուղղված հրապարակային գործողությունների համար:

Սեպտեմբերի 18-ին Պուգաչովային խնդրել է, որպեսզի ամուսնու՝ Մաքսիմ Գալկինի նման իրեն էլ ճանաչեն որպես օտարերկրյա գործակալ:

## ԿՏԵՂԱՓՈԽՎԻ «ԲԱՐՍԵԼՈՆԱ»

Մադրիդի «Ռեալի» և Իսպանիայի հավաքականի 26-ամյա կիսապաշտպան Մարկո Ասենսիոն մեկնաբանել է լուրերը, թե հունվարին կամ հաջորդ ամռանը կարող է տեղափոխվել «Բարսելոնա»: Նրա պայմանագիրն Արջայական ակումբի հետ նախատեսված է մինչև այս մրցաշրջանի ավարտը:

«Այդ մասին ոչինչ ասել չեմ կարող: Այս առավուտ 200 հազորդագրություն եմ ստացել այդ թեմայով: Հիմա շատ են խոսակցությունները իմ հնարավոր տեղափոխության մասին: Դա նորմալ է, քանի որ արդեն հունվարին կարող եմ պայմանագիր կնքել այլ ակումբի հետ:

ԼՈՒՐԵՐ

## ՄԱՐՏԱԿԱՆ ԵՆ ՏՐԱՄԱԳՐՎԱԾ

Այս պահին Ներքին Հանդում իրադրությունը նորմալ է: Այս մասին ArmLur.am-ի հետ զրույցում ասաց Ներքին Հանդի վարչական ղեկավար Խաչատուր Բաղդասարյանը:

«Այս պահին գյուղում գտնվում են միայն տղամարդիկ ժամկետային զինծառայողների հետ միասին: Թշնամին շատ մոտ է գյուղին, տեղ կա 7 կմ է հեռու, տեղ կա 1՝ կմ, տեղ կա՝ 500մ, նայած տեղ: Տրամադրություններս մարտական են, բայց մակախության տոնն է, հնարավոր են սահմանները. թշնամին մնում է թշնամի», - նշեց նա:



դեմ, լռում է ամերիկահայ պրոֆեսիոնալ պոլիսիստ խաղացող, դերասան և ինտերնետային աստղ Ռեն Բիլգերյանը, ով ամիսներ առաջ էր Հայաստանում, ում դիմավորելու և ողջունելու համար մեծ բազմություն էր հավաքվել: Դեն Բիլգերյանը, ով երկրպագուների մեծ բանակ ունի ամբողջ աշխարհում, ում Հայաստանին աջակցող կոչը մեծ լսարան կարող էր ապահովել, սեպտեմբերի 12-ից ի վեր ոչ մի գրառում չի արել ու Հայաստանին ոչ մի աջակցող կոչով հանդես չի եկել, իսկ մինչ այդ կարող էր նրա պաշտոնական էջերում տեսնել մերկ կանանց հետ զվարճալի և արկած-

ներով լի տեսանյութեր: Ավելին, հիշեցնենք, որ համացանցում քարկոծող արշավ էին սկսել այն հայտնի հայերի դեմ, ովքեր համացանցում չէին դատապարտում Ադրբեջանի գործողությունները, և այս օրերին առավել շատ քննադատվեց և քարկոծվեց ռուսաստանաբնակ հայտնի դիմահարդար Գոհար Ավետիսյանը: Հիշեցնենք, որ դեպտեմբերի 12-ին լույս 13-ի գիշերը Ադրբեջանը լայնածավալ հարձակում էր գործել Հայաստանի ողջ երկրամասում, ինչի հետևանքով ունենք շուրջ 207 զոհված և անհետ կորած:

ԼԻՂԱ ԵՐԻՎԱՆՈՅՍ

● Սեպտեմբերի 26-ին Կոմիտասի անվան կամերային երաժշտության տանը տեղի կունենա Երգեհոնի միջազգային փառատոնի բացման համերգ: Տոմսերի արժեքը՝ 1000-3000 դրամ: Սկիզբը՝ 19:00:



ՍՈՑԻԱԼԱԿԱՆ

ՀԱՐՑ. Երկարամյա ծառայության զինվորական կենսաթոշակի չափը հաշվարկելու կարգը ինչպե՞ս է կատարվում:

Արմեն Հայրապետյան (37 տարեկան)



ՊԱՏԱՍԽԱՆ. Երկարամյա ծառայության զինվորական կենսաթոշակը հաշվարկվում է Կ=Յ X ՋԱԳ + ՋԱ X ՋԱ բանաձևով, որտեղ՝

Կ-ն կենսաթոշակի ամսական գումարն է, Յ-ն՝ հիմնական կենսաթոշակի չափը, ՋԱ-ն՝ զինվորական ծառայության ստաժի տարիները.

ՋԱ-ն՝ զինվորական ծառայության ստաժի մեկ տարվա արժեքը.

ՋԱԳ-ն՝ զինծառայողի զբաղեցրած վերջին պաշտոնի համար «Պետական պաշտոններ եւ պետական ծառայության պաշտոններ զբաղեցնող անձանց վարձատրության մասին» Հայաստանի Հանրապետության օրենքով սահմանված գործակիցը (այսուհետ՝ զինծառայողի անձնական գործակից):

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Զինվորական կենսաթոշակի չափը հաշվարկելու համար հիմնական կենսաթոշակի չափը եւ զինվորական ծառայության ստաժի մեկ տարվա արժեքը սահմանում է Կառավարությունը: Զինվորական կենսաթոշակի չափը հաշվարկելու համար հիմնական կենսաթոշակի չափը եւ զինվորական ծառայության ստաժի մեկ տարվա արժեքը չեն կարող պակաս լինել զինվորական կենսաթոշակի չափը հաշվարկելու համար հիմնական կենսաթոշակի եւ զինվորական ծառայության ստաժի մեկ տարվա արժեքի նախկինում սահմանված չափերից:

ՏՆՏԵՍԱԿԱՆ

ՀԱՐՑ. Խանութ մուտք է գործել մաքսանից ադրանք: Ինչպե՞ս հայտարարել վաճառքի զինը (առաջ հասույթի գումար գրվում է վաճառքի զինը): Կարեն Յավրյան (36 տարեկան)



ՊԱՏԱՍԽԱՆ. «Առևտրի եւ ծառայությունների մասին» ՀՀ օրենքի 9-րդ հոդվածին համապատասխան, վաճառքի ցուցադրված յուրաքանչյուր ապրանքատեսակ պետք է ունենա գնապիտակ: Գնապիտակի վրա նշվում են ապրանքի անվանումը, մեկ միավորի գինը եւ գնապիտակի լրացման թվականը: Գնապիտակը կնքվում է վաճառողի կնիքով (ըստ ցանկության) կամ ստորագրվում է պաշտոնատար անձի կողմից:

ՀՀ պետական եկամուտների կոմիտե

«ԺՈՂՈՎՈՒՐԳ». «Առևտրի եւ ծառայությունների մասին» ՀՀ օրենքի 9-րդ հոդվածին համապատասխան, վաճառքի ցուցադրված յուրաքանչյուր ապրանքատեսակ պետք է ունենա գնապիտակ: Գնապիտակի վրա նշվում են ապրանքի անվանումը, մեկ միավորի գինը եւ գնապիտակի լրացման թվականը: Գնապիտակը կնքվում է վաճառողի կնիքով (ըստ ցանկության) կամ ստորագրվում է պաշտոնատար անձի կողմից:

ԼՈՒՐ ԿԱԴՐ

Լուսանկարը՝ համացանցից



Հայաստանի անկախության 31-ամյակի կապակցությամբ եւ Արրբեջանի կողմից վերջին ագրեսիայի համատեքստում ի համերաշխություն Հայաստանի՝ երեկ Փարիզի քաղաքապետարանի վրա ծածանվել են Հայաստանի Հանրապետության դրոշմերը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Զեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

Subscription form with fields for name, address, phone, and a contact number (060) 490049.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող եք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 21.09.2022

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: